

<b>ADRODDIAD I'R:</b>	Pwyllgor Trwyddedu
<b>DYDDIAD:</b>	22 Mehefin 2022
<b>SWYDDOG ARWEINIOL:</b>	Pennaeth Cynllunio, Gwarchod y Cyhoedd a Gwasanaethau Cefn Gwlad
<b>SWYDDOG CYSWLLT:</b>	Yr Uwch Swyddog Trwyddedu <a href="mailto:trwyddedu@sirddinbych.gov.uk">trwyddedu@sirddinbych.gov.uk</a> 01824 706433
<b>PWNC:</b>	Rhaglen Gwaith i'r Dyfodol 2022

## **1. DIBEN YR ADRODDIAD**

- 1.2 Hysbysu Aelodau ynglŷn â blaenoriaethau'r Adain Drwyddedu, ynghyd â diweddariad ar y rhaglen waith a gytunwyd ar gyfer y Pwyllgor Trwyddedu ar gyfer blwyddyn 2022.

## **2. CRYNODEB GWEITHREDOL**

- 2.1 Mae blaenoriaethau'r Adain Drwyddedu yn adlewyrchu'r ddyletswydd ar yr Awdurdod mewn perthynas â'i gyfrifoldebau o ran ei swyddogaeth drwyddedu, a rheoliad a gorfodaeth effeithiol o drwyddedai, ac ymrwymiad yr Awdurdod i gymunedau mwy diogel a datblygu'r economi.
- 2.2 Oherwydd blaenoriaethau na ragwelwyd, bu'n rhaid diwygio'r Rhaglen Gwaith i'r Dyfodol a gymeradwywyd gan Aelodau yn y cyfarfod blaenorol ac mae materion wedi eu hail-drefnu i'w hystyried.

## **3. GWYBODAETH GEFNDIR**

- 3.1 Efallai y bydd aelodau blaenorol o'r Pwyllgor yn cofio yn y cyfarfod diwethaf ym Mawrth 2022, bu i Swyddogion gyflwyno rhaglen waith a ddiweddarwyd ac a gymeradwywyd. Trefnwyd i Swyddogion gyflwyno nifer o faterion a ddiweddarwyd i chi eu hystyried i'r cyfarfod hwn, fodd bynnag oherwydd nifer o ffactorau, bydd y materion yn cael eu cyflwyno i chi mewn cyfarfod yn y dyfodol. Mae Rhaglen Gwaith i'r Dyfodol ddiwygiedig yn Atodiad A.

- 3.2

Mae Swyddogion wedi cymryd y cyfle hwn i roi diweddariad i Aelodau ar faterion a ddylai fod wedi dod i'r cyfarfod hwn fel nodir isod:

3.2.1

### **Adolygu Datganiad o Bolisi Trwyddedu Cerbydau Hacni a Cherbydau Hurio Preifat**

Mae Swyddogion yn gwneud cynnydd da wrth ddatblygu Datganiad o Bolisi Trwyddedu ar gyfer y diwydiant tacsis yn dilyn argymhellion yr Adran Gludiant i weithredu'r safonau statudol a gefnogir gan Lywodraeth Cymru, sydd wedi cynhyrchu templed polisi yn ddiweddar i awdurdodau Cymreig ei defnyddio. Mae Swyddogion wedi cynnal ymarfer ymgynghori interim gydag aelodau o'r diwydiant tacsis i gasglu barn y rhai sy'n gweithio yn y maes, fodd bynnag, mae'r gwaith yn parhau i orffen y ddogfen bolisi, a fydd yn mynd i'r holl ddiwydiant a'r cyhoedd ehangach, fel y cytunwyd gan Aelodau yn y cyfarfod ym mis Mehefin y

3.2.2

llynedd.

### **Adolygu Datganiad o Egwyddorion - Deddf Gamblo 2005**

Mae adolygiad o Ddatganiad o Egwyddorion Deddf Gamblo 2005 yn cael ei gynnal ar y cyd â chwe awdurdod Gogledd Cymru a phan fydd yr adolygiad wedi ei orffen, bydd swyddogion yn gallu cyflwyno'r adolygiad arfaethedig i Aelodau.

3.3.3

### **Adolygu'r Polisi Masnachu ar y Stryd**

Yn y Pwyllgor Trwyddedu a gynhaliwyd ar 23 Mehefin 2021, bu i Aelodau gymeradwyo adolygiad drafft o'r Polisi Masnachu ar y Stryd. Bu iddynt gytuno ymhellach i gefnogi sefydlu Is-Grŵp yn cynnwys cynrychiolwyr o bob Grŵp Ardal yr Aelodau, y diben yw gweithio gyda swyddogion i ddatblygu'r polisi ymhellach cyn cyflwyno fersiwn derfynol i'w gymeradwyo ac ymgynghoriad dilynol. Cyn yr etholiadau diweddar, bu i'r Is-Grŵp gyfarfod ddwywaith a chytunwyd fod materion allweddol yn parhau megis marchnadoedd a strydoedd gwaharddedig sydd angen ystyriaeth bellach, a all ail-ddechrau nawr gan fod cyfnod Cyngor newydd.

3.3.4

### **Datganiad o Bolisi Trwyddedu – Deddf Trwyddedu 2003**

Yn y cyfarfod ym Medi 2021 bu i Aelodau awdurdodi swyddogion i ymgynghori ar ddatganiad polisi diwygiedig. Ers y cyfarfod hwnnw, mae Swyddogion wedi bod yn gweithio ar sicrhau bod y fersiwn diwygiedig o'r polisi yn bodloni gofynion hygyrchedd cyn cyhoeddi'r ymgynghoriad. Mae'r ddogfen ymgynghori bellach yn barod ac mae Swyddogion yn gweithio gyda Swyddog Ymgysylltu â'r Cyhoedd y Cyngor i sicrhau bod y gofynion ymgynghori statudol wedi eu bodloni. Yn dilyn yr ymgynghoriad cyflwynir adroddiad i'r Cyngor Llawn i ystyried mabwysiadu'r polisi diwygiedig.

4.

4.1 **ARGYMHELLION**

4.2 Argymhellir fod yr Aelodau'n nodi cynnwys yr adroddiad ac

Argymhellir ymhellach fod yr Aelodau'n ystyried ac yn cymeradwyo'r Rhaglen Gwaith i'r Dyfodol ddiwygiedig a nodir yn Atodiad A ar gyfer blwyddyn 2022.